


HÉBREUX, KAPU YA ZOLE ³

 Kapu ya 7, ya 8, ya 9, ya 10, na kati kuna, oh, la la! Beno kubaka kilapi mpe mukanda ya beno, mpe beno kubika, nyonso, samu ti mu ke kwikila ti Mfumu ke pesa beto ntangu ya nene. Ntangu yayi beto kele. . .

²¹⁸ Paul ke na kukembila mpe ke na kutula, na kisika, Mfumu Yesu. Ntangu yayi, kana beto manisa yayi na nkokila yayi, Lumingu na suka. . . Na yina mingi ya yayi ke vukana mbote na Nsangu ya Lumingu na suka, samu ti ya kele “samu na kumanisa na dyambu ya saba.” Ya kele dyambu na kati-kati ya bantu ya Saba bubu yayi. Mpe mu ke bokila beno nyonso na kukwiza Lumingu na suka. Samu, wapi yina kele ya kulunga, samu na kusambila, Sabala to Lumingu? Yinki Biblia ke tuba na zulu ya yawu? Mpe na yawu yina, kana to ve. . . Buku yayi ke na kukabula musiku mpe lemvo, mpe Yawu ke na kutula na kisika mosi na mosi na kisika ya yawu. Bantu ya Hébreux ba kulisaka bawu na nzila ya musiku, mpe Paul vwandaka tuba na bawu yinki lemvo salaka, na musiku.

²¹⁹ Ntangu yayi, beto vutuka kaka mwa fyoti na manima ntangu yayi. Beto ke banda na manima.

²²⁰ Na yina, mu kele na maneti samu na kutanga. Ya lendaka vwanda ti mu lenda. . . Kana ya salama ti mu kele dibaku na nkokila yayi, mu kele na yawu. Beno zaba ti mu kele nyonso. . . Ya me bikana na munu bamvula zole na kukuma na bamvula makumi tanu, mpe mu ke mona dyaka ve mutindu mu vwandaka, pene-pene ya munu. Ntangu kumona ya munu. . . mu me banda na kutala ti bampova ke na kumonana dyaka mbote ve, mu vwanda banza ti mu ke na kukuma mpofo. Mu vwandaka me kwenda sala kizama. Dokotolo me tuba, “Ve. Nge me luta kaka makumi yiya ya bamvula, bakala.” Mbote, yandi tubaka, kana mu zinga dyaka mingi, ya lendaka vutuka dyaka, kuzwa mbala mosi dyaka kumona yango ya pene-pene. Yandi tubaka, “Ntangu yayi, nge lenda tanga Biblia ya nge kana nge pusa yawu na ntwala ya nge?”

²²¹ Mu tubaka, “Yinga.”

²²² Yandi tubaka, “Na mwa ntangu fyoti, diboko ya nge ke vwanda dyaka ve yinda mingi.”

²²³ Mpe na yawu mu—mu banza ntangu yayi, ti na kulongoka yayi, ti mu. . . Mwa Biblia yayi ya Collins ke na bisono ya nene ya mbote. Mu lenda tala yawu mbote-mbote. Kasi ntangu beto ke kuma na bisika ya nene, ya kati mingi kisika beto fwana baka Ngwisani ya Malu-malu mpe ya Ntama, mpe kuvukisa kintwadi. Mu ke na Scofield ya munu ya fyoti. Mpe mu me yikanaka na Biblia ya Scofield, ya kele na bidimbu. Mu ke tangaka ve banoti

ya Scofield, samu ti mu ke wisanaka ve na Scofield na zulu ya ba-théorie ya yandi—ya yandi. Kasi mu—mu zola mutindu ya kele ya sala, samu ti ya kele. . . mu ke na yawu ya me kuma bilumbu mingi, mpe me tanga yawu, mpe bambala mingi, tii ya kele mutindu ti mu zaba mutindu ya kuzwa dilongi ya munu.

²²⁴ Malongi, samu na munu kele nyonso ya malu-malu, mpe mu ke na mingi ve ya mulongisi. Kasi, beno kanga ntima mwa ntangu fyoti na munu, mu ke tubila beno Kieleka mutindu mu zabila Yawu, na mutindu nyonso.

²²⁵ Ntangu yayi, Buku yayi kele ya Paul, beno ke bambuka moyo, yandi vwandaka. . . Wapi mutindu beto talaka yandi? Yandi vwandaka mulongisi ya nene, na kubanda, to kizabi ya nene. Mpe yandi kuzwaka ndongosolo na Ngwisani ya Ntama. Muntu lenda tuba na munu ntangu yayi nani beto talaka yina vwandaka mulongisi ya yandi? [Dibuundu me tuba, “Gamaliel.”—Mu.] Gamaliel, mosi ya milongisi ya nene ya kilumbu yango.

²²⁶ Mpe na manima Paul, beto me mona, ti kilumbu mosi. . . Ntete ba bokila yandi *Paul*, muntu lenda tuba na munu yinki vwandaka nkumbu ya yandi? [Dibuundu me tuba, “Saul.”—Mu.] Saul. Mpe yandi vwandaka mfumu ya nene na Jérusalem, mfumu ya nsambulu. Mpe yandi kutalanaka mutindu—mutindu muntu ya nsambulu yina kieleka me longuka. Yandi zolaka zonga bandinga yiya to tanu, mpe vwandaka muntu ya mayela mingi. Mbote, ndongosolo mpe mayela ya yandi sadisaka yandi? Ve. Yandi tubaka ti yandi zolaka zimbanana nyonso yina yandi zabaka, na kisika ya kulongoka Klisto.

²²⁷ Na yawu beto talaka ti, na yina, ya ke lomba muntu ya mayela ve to muntu yina longukaka. Ya ke lomba muntu yina zola kukikulumusanya yandi mosi na ntuala ya Nzambi, ata mutindu nyonso.

²²⁸ Beno zaba ti Dwight Moody vwandaka—vwandaka na malongi mingi ve ti, na mutindu ya kusungama, ti bisono ya yandi vwandaka ya mawa mutindu mu zaba ve. Ba zolaka bongisa bansangu ya yandi, ntangu nyonso. Yandi—yandi vwandaka msoniki mosi ya mawa, ya kieleka ya kukondwa kulonguka.

²²⁹ Beno zaba ti Pierre mpe Jean, ya Biblia, vwandaka kieleka ya kukondwa ndongosolo ti bawu vwandaka lenda ve kusonika bankumbu ya bawu, mpe zolaka zaba yawu ve na ntuala ya bawu? Ntumwa Pierre, yandi yina kuzwaka bafungula ya Kimfumu, zolaka zaba ve nkumbu ya yandi ya kusonika na ntuala ya yandi. Beno banza na yawu. Biblia ke tuba, ti, “Yandi vwandaka muntu yina zabaka kima ve mpe yina longokaka ve.” Na yawu, ya ke pesa munu siansi. Amen. Yinga, tata. Yina ke sala mbote, na kutala ti Nzambi lenda yina na muntu.

²³⁰ Ntangu yayi, mpe beto vwandaka me mona, ti ntangu yina Paul kuzwaka kimbangi ya nene. . . Mu zola kuyufula beno. Ya

kele ti kukwiza na Klisto kele kimbangi? Ya kele ti ya kele kimbangi samu na muntu nyonso? Inga, tata. Inga, tata. Ya kele Mbutukulu. Ya kele kimbangi. Mpe na yina beto vwandaka na Lukolo ya nene ya bantu ya Luther, ntama mingi ve . . .

²³¹ Mu kuzwaka ntangu ya mbote-mbote na manima ya midi yayi, mu kwendaka na manima ya ntangu, mu zolaka vwanda kuna na midi, samu na kudya na—na Tom Haire. Bantu yikwa me kuwaka na yandi, munwani ya bisambu, ya kuzabana, ya Irlande? Mpe yandi me vwandaka na Mpangi ya bakala yayi Epp, na manaka ya yandi, mpe me talanaka awa na bisika mingi na Amerika. Mpe mu kudyaka na yandi bubu yayi. Mpe beto vwandaka . . . Mu vwandaka pene ya bangunga tatu na manima ya ntangu. Ya vwandaka pene ya ngunga tatu na ndambu, ya baminuti kumi na tanu na ngunga ya yiya na manima ya midi, ntangu beto kudyaka. Kasi ya vwandaka nyonso mbote. Mpe beto vwandaka solola na zulu ya bima yayi, na mutindu ti Yesu Klisto kele Yintu ya bima nyonso.

²³² Ntangu yayi, ntangu Paul talaka yayi, yandi kuzwaka kimbangi yayi. Mpe na yina ntete yandi kundima kimbangi yayi, yayi zolaka vutuka na Biblia. Mpe beto monaka ti yandi—ti yandi katukaka mpe kwendaka na yinsi yankaka, mpe kuna yandi vwandaka bamvula tatu, na kulongukaka Masonuku, na kumona kana kimbangi ya yandi vwandaka ya kulunga.

²³³ Ntangu yayi, beto zaba ti yandi vwandaka na kima ya nene na ntwala ya yandi. Yandi zolaka vutuka mpe kutuba na dibuundu ya yandi, na bantu nyonso, ti bima ya kieleka yina yandi vwandaka talisa mpasi vwandaka ya kulunga.

²³⁴ Ya lungaka na beno na kusala kima mutindu yina? Kieleka, na kutala bantu nyonso, fwana vutuka mpe kutuba, “Bantu yango yina beto ke bokilaka ‘ba-exalté,’ mu me tala ti, bawu kele ya kulunga.” Beno me mona? Kaka yina. Beto zolaka vutuka kaka. Mpe bima yina beto mbala mosi vwandaka yina, beto ntangu yayi zola. Ya kele kundima, kima ya nzenza, ya mutindu yankaka.

²³⁵ Ntangu yayi, mu salaka samuna yina ya dyambu, ya “exalté.” Ya kele ve na kima mutindu. Ya kele ve na kima mutindu yina. Kasi, bawu ke bokilaka bantu yawu, bantu ya santu. Kasi ya kele ve na ba-exalté. Ya kele ve na kima mutindu yina. Ya kele ve ya kusonika kisika mosi ti dibuundu mosi kele ya kusonika na nkumbu mutindu yina, landila mutindu mu lenda mona, na kati ya bankama yivwa na makumi sambanu na kima, ya ba-dénomination. Ya kele ve na kima mutindu dénomination mutindu exalté. Ya kele kaka nkumbu yina dyabulu me kanga na Dibundu.

²³⁶ Kasi bawu vwandaka bokila bawu, na kilumbu yina . . . Bantu yikwa zaba wapi mutindu ba vwandaka bokila bawu na kilumbu ya Paul? Ba-hérétique. Beno zaba yinki *hérétique* zola

kutuba? “Bulawu.” Ya kele bantu ya bulawu. Na yawu, mu zola ti ba bokila munu “exalté” na kisika ya “hérétique.” beno ve? Na yawu kana bawu—kana bawu vwandaka ya kubokila yawu, mpe sepelaka!

Mpe yinki Yesu tubaka na beto na kusala samu na yawu? Yandi tubaka, “Beno sepela, mpe beno yangalala; samu ti nene kele musendo ya beno na Mazulu, samu ti ya kele mutindu yina ba talisaka mpasi baprofete na ntwala ya beno.” Bawu salaka yawu.

²³⁷ Yandi tubaka, “Beno yangalala.” *Kuyangalala* nyonso kele “mutindu kuzanguka,” kyese ya mingi. Mpe bilandi, ntangu ba talaka bawu ya kulunga samu na kunata nsoni ya Nkumbu ya Yesu, bawu sepelaka na kilengi mingi ti bawu zolaka nata nsoni ya Nkumbu ya Yandi.

²³⁸ Mpe bubu yayi, bantu mingi bubu yayi, kana ba lendaka bokila bawu exalté, bawu ke lemba, “Oh! Mu banza ti mu salaka yimbi, na kubanda.”

Kasi bawu vwandaka na kyese samu na yawu, “Oh, la la, na kunata Nkumbu!”

²³⁹ Mpe ntangu yayi, na zole ya bamvula nkama, ba ke bokila bawu *minati-kulunsi*. Ya kele ntangu Miklisto vwanda nataka kulunsi na manima ya bawu, samu na kulakisa ti ba komaka bawu na kulunsi na Klisto. Ba vwandaka bokila bawu *minati-kulunsi*. Ntangu yayi mu zaba ti Katolika ke kukibokilaka bawu mosi yina, kasi yina vwandaka ve dibuundu ya Katolika. Ya vwandaka dibuundu ya Protestant na ntwala ba bokila yawu dibuundu ya Protestant. Yandi teleminaka kima yankaka ve kasi disumu. Raison na yina yawu kele ya kubokila dibuundu ya Protestant bubu yayi ya kele samu ti bawu salaka ntembe na kinkulu ya Katolika. Kasi ya kele . . . Yawu, dyaka, ya vwandaka ve ya ba-secte na ntangu yina, ntangu ba vwandaka bokila bawu *minati-kulunsi*.

²⁴⁰ Beno baka kaka disolo ya Josèphe mpe misoniki yankaka, mpe *ba-Babylone Zole* ya Hislop, mpe nyonso yankaka yina, mpe beno ke tala ti ya kele kieleka, ti bawu vwandaka ata fyoti ve dibuundu. Dibundu ya ntete yina ba bongisaka, ya ntete, vwandaka dibuundu ya Katolika, pene ya bankama tatu ya bamvula, na manima ya—ya bantumwa ya nsuka. Pene ya bamvula bankama tatu na ntwala, ba bongisaka dibuundu ya Katolika. Mpe kutalisa mpasi kubandaka, mpe ba vwandaka tuma bantu na kukota na dibuundu ya Katolika, mpe bawu vwandaka na dibuundu mpe luyalu, ya kuvukana.

²⁴¹ Ya vwandaka na manima, ya yina ba ke bokilaka, kundima ya Constantin, katuka bumpani na Bukatolika. Kasi, kana muntu me tangaka ntete disolo ya yandi, yandi ndimaka ve, bima yina yandi salaka. Oh, la la! Kima kaka yina yandi salaka ya lukwikilu vwandaka kutula kulunsi na dibuundu ya Santu

Sophie. Ya kele kima kaka yina yandi salaka, yina yandi salaka na mutindu ya lukwikilu. Yandi vwandaka muntu ba mangaka. Kasi ba ke bokila yawu kundima ya yandi—ya yandi. Kaka mutindu kufwanikisa na mwa bakundima yina ba ke bokilaka bubu yayi.

²⁴² Ntangu yayi, kasi, beto ke tala, ntangu Paul kundimaka mpe kuzwaka kimbangi yayi ya kieleka ya nene, kieleka ya salaka yandi kuvutuka manima.

Mpe, beno zaba, *kundima* zola kutuba “kubaluka.” Beno ke na kukwenda nzila *yayi*, mpe beno ke baluka mpe ke vutuka nzila *yayi*. Yinga, tata. Ya kele kubaluka, kubaluka na nzila yankaka.

²⁴³ Mpe Paul, ntangu nyonso yina yandi vwandaka ya kundima, ntete yandi kusala ntete kimbangi yayi. . . Ntangu yayi, yandi kuzwaka nzingulu ya ngitukulu.

Ntangu yayi, mu ke kwikila ti, ntangu beno ke ndima Klisto, mutindu kaka Mvulusi ya beno mosi, ya kele kimbangi. Mu ke kwikila ti, kiese ya kuzaba ti ba me lemvo kila disumu ya beno, ke sepelisa kaka ntima ya beno, na bisika nyonso.

²⁴⁴ Kasi na manima ntangu Mpeve-Santu ya kusakumuna ke kulumuka, yina kele nzingulu, Lubutuku yango ya mona, yina beno ke zimbana ata mbala mosi ve. Beno me kuma Mwana ya Nzambi. Mpe awa kele yina ke salaka yawu. . .

“Wapi mutindu nge me zaba yawu, Mpangi Branham?”

²⁴⁵ Ntangu yayi, yayi kele baleso ya malongi. Bantu mingi, ba-Méthodiste, ke meka na kutuba, “Bawu bokaka ntangu bawu kuzwaka Yawu.” Mbote, ya kele mbote mingi. Kana beno kuzwaka Yawu, mpe bokaka, ok. Samu ti beno bokaka, ya vwandaka ve kidimbu ti beno kuzwaka Yawu, samu ti mingi bokaka mpe kuzwaka Yawu ve.

²⁴⁶ Bantu ya Pantekote tubaka, “Bawu zonzaka na bandinga. Bawu kuzwaka Yawu.” Ya kele mbote mingi. Kana beno zonzaka na bandinga, mpe kuzwaka Yawu, mbote mingi. Kasi beno lenda zonza na bandinga mpe dyaka kuzwa Yawu ve. Na yina?

²⁴⁷ Na yawu, beno ke mona, na manima ya nyonso, ya kele kimbangi ya kukatuka lufwa na Luzingu; ntangu bima nyonso ya ntama kufwaka, mpe bima nyonso kumaka ya malu-malu. Klisto kumaka kieleka. Bima ya ntama ke katuka, misisa ya ntama ya nsuni. Beno zaba mutindu ya kutimuna musisa? Beto vwanda bakaka pioche mpe ke kwenda na yisi ya yawu, mpe kutimuna yawu tii ya ke vwanda dyaka na ata kima ve na yawu. Mpe ba ke tubaka, “Kana ya kele na musisa ya ndudi yina ke na kumena na kati ya beno, beno katula yawu nyonso.” Ya kele kieleka. Mpe ya kele yina Mpeve-Santu ke salaka, ke katula misisa nyonso. Beno timuna yawu. Beno kutika yawu; beno kuyoka yawu na

tiya. Beno katukila yawu. Beno ke kuzwa kuyonzika ya mbote na manima, kana beno sala yawu.

²⁴⁸ Ntangu yayi, Paul zabaka ti kima kusalamaka, na yawu yandi kwendaka na Arabie, mpe kuna yandi me longoka bamvula tatu na zulu ya bapofete nyonso ya Ngwisani ya Ntama, mutindu bawu pesaka bapofesi. Mpe yandi talaka ti Yawu vwandaka kaka Kieleka.

²⁴⁹ Ntangu yayi, beno fwanikisa yawu na bubu yayi, beno me mona, na kimbangi yayi yina beto me kuzwaka awa na mwa dibuundu yayi: ya Mbwetete ya Suka yina monikaka kuna, Nsemo yina ya nene yina kulumukaka, yina zolaka tuba na ntuala mpe kulakisa bima ke salama. Beno zaba, ya kele ngitukulu. Kasi mpangi ya munu mulongi tubaka na munu ya vwandaka ya dyabulu. Mpe mu—mu vwanda lenda ve kubakula yawu.

²⁵⁰ Na yawu, mu tubaka kima mosi ve na yina me tala yawu tii nkokila mosi, ya vwandaka na kimbangi yina kusalamaka kuna na zulu ya Green's Mill, na Indiana, ntangu Wanzio ya Mfumu kusabukaka kivinga mpe telamaka kuna, mpe lakisaka yawu na nzila ya Masonuku. Na yina ya salaka tiya. Kuna ya bandaka na kukwenda.

²⁵¹ Mpe ntama mingi ve na Lumingu me luta, beto monaka bidimbu ya Yesu Klisto yina lenda kondwa ve, Yina lenda baka muntu yina me tambulaka ve, mpe salaka ve. . . Nerf ya yandi ya kitezo me suka, ntangu ba-Mayo mpe badokotolo ya kulutila mbote tubaka, “Yimeni, kukonda nsuka.” Mpe yandi vwandaka ya kuvwanda kuna na meso ya kufwa; me telema mpe me basika na kivinga, na kupusaka chaise roulante ya yandi na bimatinu, lendaka kutambula mpe kumona mutindu muntu nyonso yankaka. Ya ke lakisa ti ya kele ngolo ya mvumbukulu ya Mfumu Yesu. Beno tala yawu yina. Yandi kele mutindu mosi mazono, bubu yayi, mpe kukondwa nsuka.

²⁵² Na yawu beto kele ve nkonga ya kyese na nkokila yayi, na kuzaba ti Nzambi me siamisa kimbangi yayi ya nene yina beto me kuzwa, na kufwanikisaka na Biblia ya Yandi mpe bansilulu? Na yawu beto fwana yangalala. Mpe beto me bakula kuna, ti na kapu ya 2, beto me mona, “Beto fwana bika bima yayi ve. . . Beto fwana kutala mpamba bima yayi.” Beto fwana kangama na bima yango.

Mpe wapi mutindu beto ke kima, kana beto kutala mpamba mpulusu ya mfunu ya mutindu; . . .

²⁵³ Yinki beto ke sala, landila nsemo ya Ndinga ya Nzambi, ntangu beto ke telama na Kisika ya Lufundunsu? Beno lenda ve kutuba, “Mu zabaka ve yinki ya vwandaka na bukieleka.” Oh, yinga, beno zabaka. “Mbote, ntangu yayi, Mpangi Branham lendaka vwandaka na foti.” Ya kele kieleka. Kasi Nzambi kele na foti ve. Ndinga ya Yandi kele na foti ve. Mpe beno banza

kaka, na kima mutindu mosi, Biblia, yina vwandaka mbala mosi na bantumwa, kele dyaka moyo. Oh, nkembo na Nkumbu ya Mfumu!

²⁵⁴ Ntangu mu ke banza ti mu kele na bamvula makumi yiya na nana, pene ya makumi tanu, mpe ti buntwenya ya munu me luta, mpe nyonso yankaka yina; na kuzaba ti katuka bumwana ya fyoti ti mu kuzwaka Nsilulu ya kusakumuna yayi, mpe tubaka Yawu na bampangi ya munu ya babakala mpe ya bakento; mpe kumona kaka mafunda ya bayina me basika na mpimpa, na kuzaba ti beto ke na kwenda na Yinzo ya beto ya Seko, na ya kusakumuna. “Mpe kana tabernacle yayi kubeba,” ntete mu kota na malongi, “ya kele na mosi yina ke na kuingila beto kuna.” Alleluia! Na kuzaba ti ya kele na bakumi na zole ya bantu ya kuvwanda awa, ti, kana bawu zolaka bika luzingu yayi ntangu kaka yayi; ntete ba nata nzutu ya bawu na yinzo ya bamvumbi, bawu ke vwanda na nzutu yango ya nkembo kuna, ke sepela na basantu ya Nzambi, yimeni na Mvwandulu ya Nzambi, samu na kuzinga kukonda nsuka. Na nsiamisa ya kulunga, ya kieleka ti ya kele mutindu yina! Amen.

²⁵⁵ Oh, yina ke sala Presbytérien kuboka! Ya salamaka ve Lumingu, ve? Bantu yango vwandaka ba-Presbytérien. Kieleka, na kubanza na yawu. Oh, kukondwa ntembe bantu ke lakisa kuningana ya nzutu! Na yina, kana beno ke kuzwa kuningana ya nzutu na kubula ballon to kulosa mosi na kitunga, wapi mutindu ya kulutila ya ke sala beno kuningana na nzutu na kuzaba ti beno me luta lufwa na Luzingu, ti beno kele Kivangu ya malumu na Klisto! Beno ke zaba yawu na mutindu mpeve ya beno ke twadisa beno ntama na mayele ya yimbi, mpe luvunu, mpe nkele, mpe bima nyonso ya yinza. Mpe ntima ya beno ke vwanda na kati-kati na zulu ya Klisto. Yina kele mitifi ya beno. Ya kele kaka yina beno ke banza na dibanza ya beno, na ntima ya beno, kilumbu nyonso mpe mpimpa. Ntangu beno ke kwenda na mbeto na mpimpa, mpe ke tula maboko ya beno na manima ya beno, mutindu *yayi*, mpe ke vwanda ya kulala kaka kuna mpe ke kembila Yandi tii beno ke lala. Beno ke vumbuka, na suka, ke landila na kukembila Yandi. Amen. Oh, la la!

²⁵⁶ Mu mekaka na kukembila Yandi. Na suka, yina beto vwanda vumbukaka pene ya ngunga ya yiya, Mpangi ya bakala Wood mpe munu, na kukwendaka na suka-suka, na kuzomba bampadi. Mu kembilaka Yandi na yisi ya konso yinti, mu banza, yina mu kumaka. Mu lenda ve kumona yinti, kukondwa kukembila Yandi. Beno banza, Yandi me kulisa yinti yango. Ntangu beto ke mona mwa dikonko yina kupumbuka; Yandi zaba dikonko yina. “Oh,” beno ke tuba, “buzoba, Mpangi Bill.” Oh, ve, ya kele ve. Yandi zaba kisika konso mpadi kele. Yandi zaba kisika konso peki-peki kele.

²⁵⁷ Mbote, kilumbu mosi, Yandi vwandaka na nsatu ya mwa mbongo, mpe Yandi tubaka, “Pierre, ya kele na mbisi, ntama

mingi ve, me mina mbongo, kaka yina me lunga, lutangu beto ke na nsatu. Kwenda losa ndoba. Mu ke fidisa yandi na lweka kuna. Basisa mbongo yina na yinwa ya yandi, samu ti yandi lenda ve kusadila yawu, yandi mosi. Kwenda futa na yawu mosi ya kumi ya beto mpe mpaku.” Amen.

²⁵⁸ Mpe basabala fyoti me luta, mu monaka mwa mbisi ya kufwa, ya kulala na zulu ya maza. Beno nyonso kuwaka disolo ya yawu. Ya kele na Mpangi ya bakala Wood, mpe mpangi ya yandi mpe bayankaka awa samu na kupesa kimbangi ya yawu. Mwa mbisi yango vwandaka ya kulala ya kufwa katuka ndambu ya ngunga, na zulu ya maza, na misopo ya yandi ya kubasika na yinwa ya yandi. Mpe Mpeve-Santu ya nene me kulumuka, na manima Yandi tubaka, kilumbu na ntuala, “Beno ke mona mvumbukulu ya kibulu ya fyoti.” Mpe suka yina vwandaka landa pene, fyoti na manima mwini me basika, beto monaka mwa mbisi yango, ntama mingi ve na *yawu*. Ntangu Mpeve ya Mfumu kulumukaka, mpe tubaka, “Mwana ya mbisi, Yesu Klisto me belusa nge.” Mpe mbisi yina ya kufwa, vwandaka luta na zulu ya maza na kutala ndambu ya ngunga, vutukaka na luzingu mpe me kwenda kaka mutindu yandi lendaka. Oh, nkembo na Nkumbu ya Mfumu. Mutindu Yandi kele mbote mingi!

²⁵⁹ Kukondwa ntembe ti Paul zolaka tuba, ti, “Yandi vwandaka na nzila ya Melchisédek.” Yandi vwandaka Melchisédek. “Melchisédek vwandaka na ata mbandukulu ya bilumbu. Yandi vwandaka ve na nsuka ya bamvula. Yandi vwandaka ve na mbandukulu ya luzingu to nsuka na luzingu. Yandi vwandaka ata tata to mama.” Na yawu, Yandi zolaka vwanda mosi yankaka ve. Yina Yandi vwandaka, Yandi kele dyaka moyo na nkokila yayi. Na yawu, ya kele kaka na mutindu mosi ya Luzingu ya Seko, mpe yina kele ya Nzambi.

²⁶⁰ Mazono na nkokila ntangu beto vwandaka solola, mpangi mosi ya bakala vwandaka lenda ve na kubakula butatu ya Nzambi, mpe mutindu beto vwandaka zonzila na zulu ya yawu. Mutindu ti Yesu vwandaka ya kutelama kuna, Muntu, ya bamvula pene makumi tatu. Mpe Yandi tubaka . . .

Bawu tubaka, “Oh, batata ya beto kudyaka mani na ntoto ya kuyuma.”

²⁶¹ Yandi tubaka, “Mpe bawu kele, mosi na mosi, ya kufwa.” Kasi Yandi tubaka, “Mu kele Dimpa yango ya Luzingu yina me basika na Nzambi na Mazulu, yina muntu ke kuya mpe ke kufwa ve.”

²⁶² “Oh,” bawu tubaka, “batata ya beto kunwaka maza na Ditadi na ntoto ya kuyuma.”

²⁶³ Yandi tubaka, “Mu kele Ditadi Yango.” Muntu ya bamvula makumi tatu. Yandi tubaka, “Abraham kusepelaka na kumonaka kilumbu ya Munu.”

264 “Kasi,” yandi tubaka, “ntangu yayi Nge zola kutuba na munu ti Nge kele ya kukula mutindu Abraham, mpe Nge me kuma ntete ve na bamvula makumi tanu, mpe zola kutuba ti Nge monaka Abraham yina kufwaka bamvula bankama nana? Ntangu yayi beto me zaba ti Nge ke na mpeve ya yimbi. Nge kele kilawu.” Ya kele yina kele. . . Ya kele yina *mpeve ya yimbi* zola kutuba, “muntu ya kulawuka.” Yandi tubaka, “Nge ke na mpeve ya yimbi, mpe Nge kele kilawu.”

265 Yandi tubaka, “Ntete Abraham kuvwanda, MU KELE.”

266 Ya kele yina Yandi vwandaka. Yandi vwandaka kaka ve muntu ya mpamba, to dyaka Yandi vwandaka profete. Yandi vwandaka Nzambi, Nzambi yina vwandaka zinga na zulu ya ntoto na nzutu ya nsuni yina ba vwandaka bokila “Yesu,” Mwana ya Nzambi yina me kituka muntu. Ya kele kieleka yina Yandi vwandaka.

267 Ntangu yayi, beto ke tala Yandi na lweka awa, yina na kitini ya nsuka ntangu yayi, na kusukisa na kapu ya 2, kisika mu vwandaka zola kukuma, na kubanda na nzila ya 16, to nzila ya 15.

Mpe kuulaka bawu. . . na nzila ya boma ya lufwa—ya lufwa vwandaka luzingu ya bawu nyonso ya kukangama na kimpika.

Ya kele yina yandi tubaka ti Yesu salaka, ti Yandi kwizaka samu na kukuula bawu na kimpika, bayina vwandaka na boma ya lufwa luzingu ya bawu nyonso.

268 Ntangu yayi ya kele dyaka ve na nsatu ya kukima lufwa. Ntangu yayi, kieleka, beto ke sala; beto, ata mosi ve ya beto ke zola, yina beto ke bokila, *lufwa*. Kasi beno zaba ti kana muntu me butuka mbala ya zole yandi lenda dyaka ve kufwa? Wapi mutindu yandi lenda vwanda na Luzingu ya Seko mpe na manima kufwa? Yandi lenda ve kusala yawu. Kima kaka yina kele lufwa, mpova *lufwa*, zola kutuba “kukabuka.” Ntangu yayi yandi kele ya kukabuka na ntwala ya meso ya beto. Kasi yandi kele ntangu nyonso na Ntwala ya Nzambi, mpe ntangu nyonso ke vwanda. Na yawu, lufwa kele ve kima ya mpasi. Lufwa kele kima ya nkembo. Lufwa kele yina ke nata beto na Ntwala ya Nzambi.

269 Kasi ntangu yayi, ya kieleka, beto, na kuvwandaka bantu, ke tambula na kati ya bima ya mpimpa awa, beto—beto ke bakula yawu ve mutindu beto zolaka. Mpe, ya kieleka, ntangu mpasi ya ntima ya lufwa ke kwizaka, ya ke salaka muntu ya kulutila santu na kati ya beto kuvwanda na boma mpe kuvutuka manima. Ya ke salaka Mwana ya Nzambi kutuba, “Kopa yayi lenda luta?” Ya kele kima ya boma. Beno tala yawu yimbi ve. Samu ti beto. . . Ya kele ntalu ya disumu, lufwa kele, mpe ya fwana pesa boma.

Kasi kana beto lendaka tala na manima ya rido, kuna, ya kele kisika ya kele. Nkembo na Mfumu! Kaka na manima

ya rido, ya kele kisika muntu zola kutala na nkokila yayi. Ya kele na nkunga mosi mwana Anna Mae Snelling mpe bayankaka vwanda yimbaka awa, “Mfumu, Bika Munu Kutala Na Lweka Yankaka Ya Rido Ya Ntangu.” Muntu nyonso zolaka kumona yawu.

²⁷⁰ Ntangu yayi, ntangu yayi awa beto kele, na nzila ya 16. “Ya kieleka Yandi kwizaka . . .”

Ya kieleka yandi bakaka ve na zulu ya yandi, na zulu ya yandi nkadulu ya bawanzio; kasi yandi bakaka na zulu ya yandi nkuna ya Abraham.

²⁷¹ Oh, beto zola kukangama na yawu dyaka ntangu yayi. Ntangu yayi beto ke na kubelama samu na kukuma . . . Samu ti, kitini ya ntete ya kapu ya 3 yayi, kitini ya nsuka ya yawu, ke kotisa “kilumbu yango ya saba,” ya Lumingu yayi yina ke na kwiza.

²⁷² Ntangu yayi beno tala mbote.

. . . yandi bakaka ve . . . nkadulu ya bawanzio; . . .

Ntangu yayi, na nani “Yandi,” ke, yandi ke na kuzonzila? Klisto. Nani kele Klisto? Nzambi, Logos ya Nzambi.

²⁷³ Ntangu yayi beno bika munu kutendula yayi dyaka, samu ti beno ndima. Nzambi kele Banzambi tatu ve. Butatu ya Nzambi kele Mosi. Tata, Mwana, Mpeve-Santu, zola kutuba ve ti ya kele na Banzambi tatu. Kana ya kele, beto kele mimpani. Ya kele samu na yina ba-Juif lenda bakula ve. Ata mbala mosi ve ya kele ya kulonga na kati ya Biblia. Ntangu yayi, ba ke na kulonga yawu na dibuundu ya Katolika, ya kieleka, ya kele kisika mbotika ya butatu katuka.

²⁷⁴ Na Afrika ba ke botika beno bambala tatu yintu na mantwala: mbala mosi samu na Nzambi Tata; mbala yankaka samu na Nzambi Mwana; mbala dyaka samu na Nzambi Mpeve-Santu. Ntangu yayi, ya kele foti. Ya kele ve na malongi ya mutindu yina na kati ya Biblia. Beno me mona?

²⁷⁵ Mpe ntangu yayi, ya kele—ya kele yina bawu longaka. Ya lutaka na Luther; na Luther, na Wesley; yawu landilaka mutindu yina na bansungi. Kasi ata mbala mosi ve ti ya vwandaka malongi ya Biblia. Ya vwandaka ntangu nyonso foti, katuka mbandukulu ya yawu.

²⁷⁶ Ntangu yayi, na yawu, Nzambi vwandaka na mbandukulu. Ntete ya vwanda na nsemo mosi, ntete ya vwanda ntete na atome, ntete ya vwanda ntete na mbwetete, ntete ya vwanda na kima mosi yina lendaka monana, Nzambi fulusaka yinza nyonso. Mpe na kati ya Yawu vwandaka kima ve kasi kuvedila: zola ya kuvedila, busantu ya kuvedila, kusungama ya kuvedila. Ya vwandaka Mpeve. Yandi vwandaka fuka yinza ya muvimba katuka Seko nyonso, kisika beto lenda bakula Yawu ve. Ya me luta nyonso yina beto lenda banza.

²⁷⁷ Mutindu na nzila ya maneti yina, beto lendaka mona nkama mpe kima ya mafuku ya bamvula ya nsemo ya yinza. Beno banza na yawu. Nkama ya mafuku ya bamvula ya nsemo ya yinza. Mpe nsemo—nsemo ke sabukaka pene ya mafunda kumi na tatu ya bakilometele na sekonde mosi. Mpe nkama mpe mafuku ya bamvula ya nsemo ya yinza. . . Beno banza kaka mafuku ya bakilometele yikwa ya ke sala. Beno lenda kaka ve kutanga yawu. Beno lenda baka kaka mulonga ya bayivwa mpe kuziunga Jeffersonville, mpe dyaka beno ke kuzwa ve lutangu yina ya bakilometle na bakilometele. Beno banza na yawu. Mpe na zulu ya yawu ya kele dyaka na bambwetete mpe ba-planète. Mpe Nzambi, ntete mosi ya yawu vwanda, Yandi vwandaka. Beno me mona?

²⁷⁸ Mpe ntangu yayi Logos yina basikaka na Nzambi, yina vwandaka Logos, nyonso yayi bandaka samu na kusala mutindu ya nzutu. Mpe ba vwandaka bokila mutindu ya nzutu yayi, na malongi ya bantu ya mayela, Logos, Logos yina basikaka na Nzambi. Na mutindu yankaka, mpova ya mbote samu na yawu, vwandaka yina beto ke bokila théophanie. (Théophanie kele nzutu ya kimuntu yina me kuzwa nkembo.) Ve kaka na nsuni mpe menga mutindu ya ke vwanda na kitezo ya yawu ya nkembo, kasi ya kele ya mutindu nzutu ya kimuntu yina ke kudya ve, to dyaka ke kunwa, kasi ya kele—ya kele nzutu, nzutu yina ke na kuingila na beto na ntangu beto ke bika yandi yayi. Ntangu yayi, na kati kuna, beto ke kota na kati ya nzutu yango. Mpe ya kele mutindu ya nzutu yina Nzambi vwandaka, samu ti Yandi me tuba, “Ti beto sala muntu na kifwani ya beto mosi mpe na mutindu ya beto.”

²⁷⁹ Ntangu yayi, ntangu muntu ke kuma na kati ya nzutu yango, yandi ke yala na zulu ya bambisi nyonso, mpe bandeke, mpe—mpe bibulu ya mfinda. “Mpe kuna ya vwandaka ve na muntu samu na kubundula ntoto,” Genèse 2. Yandi salaka bakala mpe kento, kasi ya vwandaka ve na muntu samu na kubundula ntoto.

Na manima Nzambi salaka muntu na fundu-fundu ya ntoto. Yandi me pesa yandi diboko mutindu—mutindu kimpenzi. Yandi me pesa dikulu mutindu ya ulusu. Yandi me pesa yandi, Yandi me sala yandi, na kifwani. Mpe nzutu ya ntoto yayi kele na kifwani ya luzingu ya niama, mpe ya kele ya kusala na mutindu mosi ya bima. Nzutu ya beno kele ya kusala kaka na mutindu mosi ya bima mutindu mpunda, to yimbwa, to kima mutindu yina. Ya kele ya kusala na calcium, potasse, pitiloyi, nsemo ya yinza. Beno kele kaka ve. . . Nzutu nyonso mutindu yina kele ve nzutu mosi; ya kele nzutu ya mutindu yankaka, kasi ya kele ya kusala na fundu-fundu ya ntoto kisika ya me katuka.

Kasi, luswaswanu na kati ya niama mpe muntu, Nzambi tulaka moyo na kati ya muntu, mpe Yandi salaka yawu ve na kati ya niama. Samu ti, moyo yina vwandaka na kati ya muntu kele théophanie yango.

Oh, mu—mu, mu ke kuma ve na . . . leso yayi, kasi mu fwana lakisa yayi.

²⁸⁰ Beno tala. Beno ke bambuka moyo ve na ntangu Pierre vwandaka na boloko, mpe Wanzio ya Mfumu kwizaka mpe fungulaka myelo?

²⁸¹ Beto lutaka na supermarché awa, kilumbu yankaka, mpe mwelo kufungukaka na ntwala ya beto. Mu tubaka, “Beno zaba, Biblia kuzwaka yawu ntete.” Beno me mona? Ntangu yayi, mwelo, yina ke ninganaka, na yawu mosi.

²⁸² Mpe ntangu Pierre kubasikaka, na kutambulaka pene ya mikengi, ba vwandaka ya kufwa meso monaka yandi ve. Yandi lutaka mukengi ya kati, mukengi ya ngaanda, me basika na ngaanda, na kulutaka kibaka, me basika na bala-bala. Mpe ata mosi ya bawu zabaka nani yandi vwandaka. Mpe bawu salaka ve . . . Bawu banzaka ti yandi vwandaka mukengi yankaka to kima mosi. Bawu . . . Yandi lutaka kaka, mpe mwelo fungukaka na yawu mosi, na yina yandi basikaka, mpe kangamaka na manima. Mpe ntangu yandi basikaka kuna, yandi banzaka ti yandi kuzwaka ndosi. Mpe yandi kwendaka na yinzo ya Jean Marc, kisika ba vwandaka na lukutakanu ya bisambu. Mpe yandi me konkota . . . [Mpangi Branham me konkota na zulu ya chaire. Kisika ya mpamba na bande—Mu.] . . . na kuvwanda na kati ya beto.

²⁸³ Oh, Yandi kele ya nkembo. Yandi kele mbote mingi.

Ntangu yayi, oh, *yandi* bakaka ve nzutu ya wanzio;
kasi yandi bakaka na zulu . . . nkuna ya Abraham.
Nzambi kumaka *nkuna ya Abraham.*

²⁸⁴ Ntangu yayi, kana beto vwandaka na ntangu, ya kuvutuka mpe kulakisa mutindu Yandi salaka yawu na Ngwisani! Beno kuwaka munu kulonga na zulu ya yawu, bambala mingi, mutindu ti yandi bakaka baniamana yango mpe zengaka yawu na bitini zole, mpe me tula yembe ya mfinda mpe yembe. Na manima yandi me tala, mpe yandi me tala mwa mulinga, mpimpa ya boma, lufwa. Na manima, dibulu ya tiya na mulinga, difelo. Kasi, na ntwala ya yina, me luta mwa Nsemo ya mpembe. Mpe mwa kima yango ya mpembe kwendaka na kati-kati ya konso kitini ya munkayulu yango ya kuzengana, na kulakisaka yina Yandi ke sala. Mpe Yandi bakaka lukanu, ntangu Yandi salaka yawu, mpe Yandi sonikaka Ngwisani, na kulakisaka yina Yandi zolaka sala.

²⁸⁵ Mpe Yandi, Yesu Klisto, kwizaka na ntoto; Nzambi, *Emmanuel*, “Nzambi na nsuni.” Mpe na Calvaire, ba pasulaka Yandi. Mpe Mpeve ya Yandi vutukaka na Dibundu. Mpe nzutu ya Yandi zangukaka mpe vwandaka ya kuvwanda na zulu ya Kiti ya kimfumu ya Nzambi.

Kiti ya kimfumu ya Nzambi! Yandi yina kele na zulu ya Kiti ya kimfumu kele Zuzi. Beto zaba yawu. Mbote, wapi kisika kele

Lufundusu? Tata me pesa . . . Yandi ke fundisa muntu ve. Kasi Tata me pesa lufundusu nyonso na Mwana. Yawu yina Yandi kele. Mpe Luzingu ya Yandi kele Nganga-Nzambi ya Mbuta, ya kuvwanda kuna na nzutu ya Yandi, mutindu munkayulu, samu na kuzonzila bakufungula ya masumu ya beto. Amen. Mpangi, ya ke sala kima na kati ya beno.

²⁸⁶ Beno tala, “Yandi bakaka Nkuna ya Abraham.” Yandi kumaka Muntu. Nzambi, kumaka nsuni na kati ya beto, samu na kukuula beto. Na mutindu yankaka, Nzambi kumaka disumu, samu ti beto misumuki lendaka kuma bantu ke kota na Yandi. Mpe ntangu beto ke kota na Yandi, beto ke kota na ya Yandi . . . Beto vwandaka bantu na kati ya ntangu, ya bamvula makumi sambwadi. Mpe Nzambi me kulumuka mpe me kuma mosi ya beto, na bamvula makumi sambwadi, samu ti beto kota na Luzingu ya Yandi ya Seko. Mpe ntangu beto kele ya kubutuka mbala ya zole, beto kele bana ya babakala mpe bana ya bakento ya Nzambi, mpe me kuzwa Luzingu ya Seko, mpe ke kufwa ata mbala mosi ve.

Oh, wapi—wapi—wapi Mvulusi ya kusakumuna! Oh, ya kele ve na mutindu ya kusonika yawu. Ya kele ve na mutindu ya kutendula yawu. Ya kele kaka na zulu ya kutendula nyonso. Muntu ve lenda tendula mutindu bunene Yawu kele. “Wapi mutindu Nge kele bunene! Wapi mutindu Nge kele bunene!” ya kele kieleka.

Na yawu yina na bima nyonso yandi fwanaka kuma mutindu mosi na bampangi ya yandi, . . . (Beno banza na yawu.) . . . ti yandi vwanda nganga-Nzambi ya ntete ya kyadi mpe ya kukwikama na bima ya kisalu ya Nzambi, . . . (Beno kuwa yayi.) . . . na kukatula . . . disumu ya bantu.

Samu na kuvutula ngwisani, ntangu yayi, Nzambi, yina zabaka ludedomo, zolaka kuma ya kukondwa ludedomo, samu na kuwa yina ya vwandaka na kuvwanda musumuki, samu na kuvutuka na kuvutula ngwisani, na nzila ya “kuvutula ngwisani,” mpe kuzwa kyadi na bantu.

²⁸⁷ Nzila yina ke landa, beno kuwa Yawu awa.

Samu ti yandi mosi talaka mpasi . . .

²⁸⁸ Nzambi zolaka tala mpasi ve na Kimpeve. Yandi zolaka kuma nsuni, samu na kuwa mpasi ya kimbevo, samu na kuwa mpukumunu ya kulula, samu na kuwa mpukumunu ya kuzola, samu na kuwa mpukumunu ya nsatu, samu na kuwa ngolo ya lufwa. Samu ti Yandi nata yawu na zulu ya Yandi mosi samu na kutelama na Ntwala ya Mpeve Jéhovah ya nene, Mpeve, Muntu ve; Mpeve, samu na kuzonzila na luzingu yayi. Mpe Yesu bakaka yawu, na kisika ya kusala ndombilu samu na beto, samu ti Yandi zaba mutindu yawu ke wakanaka. Ntangu beno ke bela, Yandi

zaba mutindu beto ke kuwa. Ntangu beno kele ya kumekama, Yandi zaba mutindu beno ke kuwa.

²⁸⁹ Ntangu yayi, beno me tala ntete ntangu beto ke salaka voti samu na mfumu ya luyalu, Konso muntu ya bilanga ke sala voti samu na mfumu ya luyalu yina vwandaka muntu ya bilanga, samu ti yandi zaba kisalu ya mpasi ya luzingu ya muntu ya bilanga. Beno me mona? Yandi ke zola muntu yina ke bakula.

²⁹⁰ Mpe ntete Nzambi kubakula (Yandi na kuvwandaka Busantu yina ya nene, wapi mutindu Yandi zolaka bakula, na manima Yandi fundiska muntu? Na busantu ya Yandi, Yandi fundisaka muntu.), mpe mutindu kaka Yandi ke zaba mutindu ya kunungisa muntu ya kele na kukuma muntu.

²⁹¹ Mpe Nzambi fukaka mwense mpe yandi butaka nzutu, ya vwandaka ve menga ya ba-Juif, menga ya bantu ya makanda ve, kasi Menga ya Yandi Mosi. Menga ya Nzambi yina kuvangamaka, ata kuvukana ya banzutu na kati ya yawu, ata mpusa ya nzutu ve. Mpe Cellule ya Menga yayi, yina vangamaka na kivumu ya kento yayi, basisaka Mwana. Mpe ntangu Yandi kuzwaka mbotika na nzila ya Jean Baptiste, Jean tubaka, “Mu me pesa kimbangi, na kumonaka Mpeve ya Nzambi (mutindu yembe) kukulumuka mpe telama na zulu ya Yandi.”

²⁹² Kukondwa ntembe ti Yesu tubaka, ti, “Bangolo nyonso na Mazulu mpe na ntoto me pesama na diboko ya Munu.” Nzambi mpe muntu me kuma Mosi. Mazulu mpe ntoto me vukana, mpe Yandi vwandaka Mosi yina lendaka vutula kuvutula ngwisani samu na disumu ya beto. Ya kele samu na yina, na Nkumbu ya Yandi, kubeluka ke salamaka. Yandi zaba mpasi ya beno.

²⁹³ Beno me kuwaka ntete mwa nkunga yayi ya ntama?

Yesu zaba mpasi yina beno ke kuwa, Yandi lenda vulusa mpe Yandi lenda beluka;
Beno bika kizitu ya beno na Mfumu mpe beno bika yawu kuna.

Ya kele kieleka. Yandi zaba.

Ntangu nzutu ya beto me beba na mpasi, mpe mavimpi ya beto lenda vutuka ve,
Beno bambuka kaka moyo ti Nzambi na Mazulu ke pesaka mvutu na bisambu,
Yesu zaba mpasi beno ke kuwa, Yandi lenda vulusa mpe Yandi lenda beluka;
Beno bika kaka kizitu ya beno na Mfumu mpe beno bika yawu kuna.

²⁹⁴ Ya kele kaka yina Yandi ke lombaka, “Beni bika kaka yawu kuna.” Samu na yinki? Yandi kele Mfumu Nganga-Nzambi ya beto yina kele ya kutelama awa, yina zaba mutindu beno ke na kuwa. Mpe Yandi zaba mutindu ya kuvutula beno na ngwisani na lemvo, mpe mutindu ya kuvutula beno na mavimpi ya beno.

Yandi zaba nyonso na yina me tala yawu, Yandi talaka mpasi. Ntangu beno kele ve na kisika ya kutula yintu ya beno, Yandi kuzwaka dyambu mutindu mosi. Ntangu beno kele kaka na kinkuti mosi ya kulwata, Yandi kuzwaka dyambu mutindu mosi. Ntangu ba ke seka beno, ke talisa beno mpasi, Yandi kuzwaka dyambu mutindu mosi.

²⁹⁵ Beno kuwa nzila ya nsuka ntangu yayi. Mbote mingi.

. . .yandi kele na kiyeka ya kusadisa bayina ba ke na kumeka.

To, na mutindu yankaka, Yandi lenda *kengila* bawu, *kusadisa* bawu, samu na kusala bayango. . .*kutala mpasi* na bawu. Samu ti, Nzambi Yandi mosi kumaka muntu, samu na kuwa yawu.

²⁹⁶ Beno ke bambuka moyo, nkokila yankaka yina, beto longaka ve na zulu ya yawu? Wapi mutindu Nzambi zolaka. . .Lufwa vwandaka na ntunga mosi, kima ya boma na yawu. “Luzingu ya bawu nyonso bawu vwandaka na kimpika na yina me tala *lufwa*.” Mpe kuna Yesu kwizaka, samu na kukatula na lufwa ntunga yango.

Mpe ntangu Yandi vwandaka mata mongo, beno ke bambuka moyo mutindu beto lakisaka yawu? Mwa matona ya mbwaki yina na zulu ya kazaka ya Yandi, na manima ya mwa ntangu fyoti ya kumaka ditona mosi ya nene, mpe Menga tsyamukaka na nziunga ya Yandi. Mwa nzutu, ya Yandi ya kulemba, Yandi vwandaka lenda dyaka ve na kukwenda ntama, mpe Yandi kubwaka. Simon de Cyrène, muntu ya ndombe, sadisaka Yandi na kunata kulunsi na zulu ya mongo.

Mpe ntangu ba komaka Yandi na kulunsi, mpe Yandi lombaka maza. Konso muntu yina ke na kubasisa menga ke na nsatu ya maza.

²⁹⁷ Beno bambuka moyo ntangu mu longaka nkokila yankaka yina na “Mvudi, mbambi yina ke na kufwa na nsatu ya maza ke vumuna na yinto, mutindu mosi moyo ya munu ke vumuna na manima ya Nge, O Nzambi”? Kana mvudi me lwala mpe ti yandi kele moyo, ke na kuzimbisa menga, yandi fwana kuzwa maza to yandi ke kufwa.

²⁹⁸ Ba kubulaka munu, kuna na mfinda, ntangu mu vwandaka na bamvula kumi na yiya. Mpe mu vwandaka ya kulala kuna. Makulu ya munu kubwa na zulu ya munu, mutindu hamburger, katuka tiya yina katuka munduki ya kuzomba ya 12. Mpe mu lombaka maza, “Oh, pesa munu maza!” Mu lembaka; bikoba ya munu vwandaka ya kulemba.

²⁹⁹ Mpangi ya munu kimaka tii na ndonga mosi ya ntama ya maza, kisika vwandaka mitindu nyonso ya mwa baniama ya fyoti, kiziba. Mu kipeki-peki ve yina ya vwandaka. Mpe yandi fulusaka yimpu ya yandi na maza, mpe mu bikaka yinwa ya

munu mwasi, mpe yandi me kamuna yimpu ya yandi mutindu *yina*, na yinwa ya munu. Yinga, ya lungaka ti mu kuzwa maza.

³⁰⁰ Yandi vwandaka basisa menga. Yandi tubaka, “Benó pesa Munu maza.” Mpe bawu pesaka Yandi maza ya ngani na kinuka, mpe Yandi losaka yawu, mpe mangaka yawu. Yandi vwandaka Mwana-dimeme yina vwandaka kufwa na kisika ya beto, samu na kuvutula kiwisa na bantu. Yinki ya vwandaka? Nzambi ya Mazulu.

³⁰¹ Billy Sunday kilumbu mosi tubaka, ti, “Na konso dititi vwandaka na Bawanzio ya kuvwanda na yawu, vwandaka tuba, ‘Basisa kaka diboko ya Nge na basinga mpe lakisa na musapi ya Nge, Beto ke balula dyambu.’”

³⁰² Nkonga yango ya misambidi ya ba-fanatike ya kukondwa buzitu, bokilaka bantu ya nene yina longokaka mingi na ba-Doctorat ya bawu, ba-Doctorat ya bawu ya Théologie, bawu lutaka pene-pene ya Yandi mpe bawu tubaka, “Ntangu yayi, kana nge kele Mwana ya Nzambi, nge vuukisaka bayankaka, nge mosi nge lenda vuukisa ve, kulumuka kulunsi, mpe beto ke kwikila nge.”

³⁰³ Bawu vwandaka zaba ve ti bawu vwandaka pesa Yandi lukumu. Yandi zolaka kukivulusa Yandi mosi. Kasi kana Yandi kukivulusaka Yandi mosi, bayankaka Yandi zolaka vulusa ve. Na yawu, Yandi pesaka Yandi mosi. Nkembo na Nkumbu ya Yandi. Yandi pesaka Yandi mosi, samu ti mu kuzwa mpulusu mpe beno kuzwa mpulusu. Oh, mutindu ya zola yina ba lenda fwanikisa ve!

³⁰⁴ Yandi zolaka bela ve. Nzutu ya ntalu yina butamaka na nzila ya mwense zolaka bela ve. Kasi Yandi kumaka ya kubela, samu ti Yandi lendaka zaba mutindu ya kusambila samu na munu ntangu mu vwandaka ya kubela.

³⁰⁵ Yandi zolaka lemba ve, kasi Yandi lembaka. Mu tangaka disolo mosi kilumbu mosi na zulu ya yawu, mu zaba ve kana ya vwandaka kieleka to ve. “Ntangu Yandi vumbulaka mwana yina ya bakala ya Naïn kuna, na kati ya bantu ya kufwa, Yandi me vwnda na ditadi mosi mpe dilaka yintu mpasi,” samu ti Yandi zolaka nata bimbevo ya beto.

³⁰⁶ Yandi zolaka nata disumu ya beto, mpe kuna Yandi kufwaka, mpe na Calvaire ntangu nyosi yina ya ntama mpe lufwa mbala mosi me kotisa ntunga ya yawu. Muntu nyonso zaba, ntangu nyosi ke kotisaka ntunga ya yawu, ya lenda dyaka ve kutsokota. Ntangu nyosi to konso kitutu yina ke tsokotaka ke pumbuka, ntangu yandi ke kotisa ntunga ya yandi, yandi ke katula ntunga ya yandi. Yandi kele dyaka nyosi kasi yandi kele dyaka ve na ntunga. Kima kaka yina yandi lenda sala kele makelele mpe kusala makelele mingi.

³⁰⁷ Ya kele kaka kima yina lufwa lenda sala na mukwikidi, ya kele kusala makelele mingi. Kasi, alleluia, nkembo na Nkumbu

ya Mfumu, Yandi kotisaka ntunga yina ya lufwa na nsuni ya Yandi Mosi. Emmanuel salaka yawu. Vumbukaka dyaka na lufwa, na kilumbu ya tatu, ningisaka ntunga kuna, mpe kele yina lenda kufwa ve na nkokila yayi. Mpe Mpeve ya Yandi kele na kati ya kivinga yayi, mpe Yandi ke lakisa Yandi mosi ya moyo na kati ya beto. Ya kele Mesiya ya beto. Ya kele Mvulusi ya beto ya kusakumuna.



HÉBREUX, KAPU YA ZOLE ³ KNG57-0828

(Hebrews, Chapter Two ³)

BANDANDANI YA BUKU YA BA-HEBREUX

Nsangu yayi ya Mpangi William Marrion Branham, kulongamaka na Kingelesi, na Kilumbu ya tatu na nkokila, na kilumbu ya 28 ya Ngonda ya nana, na mvula 1957, na Branham Tabernacle na Jeffersonville, Indiana, U.S.A., yina bakamaka na bande manietiki mpe basisamaka na muvimba nionso na buku na Kingelesi. Lubangulu yayi na Kikongo basisamaka na buku mpe ba kabulaka yawu na Voice Of God Recordings.

KIKONGO-KITUBA

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kisdilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org